


# 港南嶼影

## 南丫島與鴨脷洲

陸尚恒



南丫島黃竹角燈塔



南丫島圓角燈塔

香港島南首島嶼，大致可分為三組，一為蒲台羣島，一為南丫島及鹿洲，一為港南近岸諸島如鴨脷洲、銀洲、狗髀洲等，而石澳大頭洲及五分洲附焉。蒲台羣島之情況已見本文之第一、二兩篇，此篇論述南丫島與鴨脷洲，順及洲畔之鹿洲，火藥洲，龍船排及鴨脷排四嶼。

南丫島在香港島西南，為香港區域內之第三大島，亦為境內出土文物最多及最古之地點，據考古發掘資料顯示，南丫島之古物竟可上溯至五千年前之新石器時代，由此推論，南丫島實為香港境內開發最早之地區。

此島海岸曲折，中部索罟灣一灣深入，幾將全島一分為二，灣畔有一低陷地頸，寬闊不過百碼，上有蘆鬚城村，而南丫一島，亦以此地頸為南北兩段之分界，界北稱南丫北段，界南稱南丫南段。

以海灣言，島北有北角灣，西岸第一灣為榕樹灣，隔一波蘿咀山岬有大灣及洪聖爺灣，南延至島之西南，海岸較直，通稱下尾灣，島南有大角西，大角及圓角三山岬，夾成四灣，最西一灣稱扁𠵼，次者為大𠵼，第三灣長形深入，為深灣，圓角以東，則為東澳灣，已入島東範圍，東澳灣北有崖頭半島，為菱角崖頭兩山所組成，乃全島最大之山岬，岬北有一無名石灣，又過為茅達灣，灣西為索罟灣，又北隔鹿洲半島為鹿洲灣，此灣範圍頗大，盡佔島上之東北海岸，各大灣之內，又另有小灣，如榕樹灣北之石梨灣，下尾灣內之沙欄下及若干較小無名海灣，東澳灣內之石排灣，鹿洲灣內之蘆荻灣等，各處灣頭，多有幼沙，可供遊人嬉水，每逢夏日，交通便利，容易到達之灘頭，遊人極多，又島上各大海灣之後，多有人居，而以北角、榕樹灣及索罟灣三處聚民較多，且有定期之輪渡及街渡來往中環、堅尼地城及香港仔等處，東澳、模達及鹿洲各灣後亦有小村落，惟人口不多，至西南及南部各灣之後，均無人居，然此帶有明顯山徑及耕地遺跡，料千百年前必有較大村落，扁𠵼大灣之後，有水泥築成之小水壩，則為近年之建築物，此處亦無人居，水壩之設不知何用，水壩前十多丈許有一高十餘尺之直崖，崖下有海穴，寬六七呎，深入近丈，洞底為幼沙，海水不淹，溪水自崖上下注，直擊沙地，如一瀑布，半掩洞口，自岸邊乘小舟回望，如一水簾洞，為境內不可多得之奇景，惜此洞僻處一隅，少有人知，陸路往遊，不易覺得，有志一探此洞者，需僱舟直趨扁𠵼之畔，始能得見。

全島除榕樹灣後有頗大谷地以供耕耘外，均為山嶺地帶，高山自北而南，有北角山，高一三八公尺，南行至洪聖爺及蘆荻兩灣間起為兩峯，均高百三十公尺許，此兩山自香港西南遠望，雙峯挺拔，形態秀美，偏西一脊橫伸，直達波羅咀頂，雙峯南首，山脊順延至蘆鬚城北，又隆為一百尺高崗，支脈東行為鹿洲山，高一二八公尺，大致丫北各山，均較矮小，高度不過一百四十公尺，蘆鬚城地頸以南，山勢漸隆昇而成陰山，高達三五三公尺，為島上主峯，亦為港境最南一座高峯，無論欣賞香港島南首風貌或縱覽南海羣嶼，此山均為無上佳處。

香港島南首島嶼，大致可分為三組，一為

蒲台羣島，一為南丫島及鹿洲，一為港南近岸諸島如鴨脷洲、銀洲、狗髀洲等，而石澳大頭洲及五分洲附焉。蒲台羣島之情況已見本文之

第一、二兩篇，此篇論述南丫島與鴨脷洲，順及洲畔之鹿洲，火藥洲，龍船排及鴨脷排四嶼。

## 南丫島

